



Ulloq 15.01.08

Inatsisartut Suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

Nunatsinni VHF DSC-p eqqunneqarnissaanik Naalakkersuisut pilersaaruteqarpat, taamaappallu qaqugu taamaangippallu sooq?

(Inatsisartuni ilaasortaq Esmar Bergstrøm, Inuit Ataqatigiit)

Tunngavilersuut:

Nunarsuup sinnerani nunani amerlanerpaani DSC VHF (Digitalt Selektivt Kald) eqqunneqareersimalerpoq. Tassani ajornartorioulernermi naatsunik, sukkasuunik toqqaannartunillu kalerriisunnaaneq siunertaavoq. VHF radio GPS-imut attavilerneqarsinnaavoq, taamaalillunilu kalerrisaarisut sumiippiarnerat ilanngullugu qularnaatsumik nalunaarutigineqartarluni.

DSC MF-inut eqqunneqareerpoq, VHF-inullu DSC eqqukkaanni sinerissami radioqarfinni sulisoqarnertigut sipaarutaalluarsinnaavoq kiisalu annaassiniarnerit pilertortumik toqqaannartumillu ingerlanneqalersinnaallutik. Taamaaliornikkut annaassiniarnerit pilertornerusumik naammassineqarsinnaagaangata kingupilussaagalui pinngitsoorneqarsinnaapput, inuit ajunaartussaagaluit annaanneqarsinnaallutik kiisalu napparsimavinnut unitsitsinerit killilerneqarsinnaallutik.

Tamakkununnga tunngasunik ukiuni 5-6-ini maleruagassanik nutaanik ilinniartitsisareersimavugut, ullutsinnimi VHF-radiot DSC-eertaqanngitsut qaqutigoorput. VHF-itut naliginnaasutut piginnaaneqarput, taamaammat iluaqutissarpasuit periarfissarlu pioreersut sooq iluaqutiginiassanngikkigut paasiuminaatsippara.

VHF-ini DSC-mik atuineq allarpassuartigut iluaqutitaqarpoq, tassunga atatillugu VHF-mut ilitser-suutit nutaanersusut Nuummi Atuagkani pisiarineqarsinnaasut innersuussutiginnassavakka.